

ne veri elaborarunt, quidque his profecerint. Supponunt haecce praeliminarem quandam cognitionem successio- num philosophicarum, sine qua reliqua haud possunt ju- sto ordine locari. Unde *prima* hinc resultat tractatio: *quo- modo sectae scholaeque se* invicem exceperint, tum etiam, quomodo singuli earum philosophi se invicem sint insequuti: ubi simul commoda est occasio de praecipuis, quae vi- tam eorum naturalem circumstant, agendi. Sequen- tur hinc & sectarum & philosophorum *doctrinae* quae pars, uti pene caput rei est; ita dolendum hic quam maxime peccari. Plurimi enim parum solliciti de justo & sibi con- venienti philosophi cujusdam systemate quidlibet ex quo- libet vel male informato, vel etiam pravis affectibus occae- cato scriptore philosophis ea tribuunt, quae sine absurdissi- ma cerebri constitutione boni viri concepisse ne praesumi quidem queunt. Idem quoque accidit dum unius philo- sophi sententia universae, ad quam pertinet, sectae, vel etiam universae sectae dogma alicui ex parte saltem secta- rio sine omni dubio asseritur, quod quam inconueniens sit veritati historicae, philosophiae jonicae ac stoicae, imo & platonicae exemplis plurimis posset declarari, nisi aliud nunc ageremus. Praeter *vitam* itaque ac doctrinas vi- denda veniunt cum sectarum *instituta practica*, tum in pri- mis vitae, quas egerunt philosophi; non * equidem ut con- cernes de Pythagorae patre, de Homeri patria, de Plato-

1.

2.

3. 4.

A 3 nis

* Huc enim pertinent, quae apprime placent Senecae ver- ba, extantia de brev. vit. c. XIII. p. 313. De illis ne- mo dubitabit, quin operose nihil agant, qui in littera- rum inutilium studiis detinentur: quae jam apud Romanos quoque magna manus est. Graecorum iste morbus fuit querere, quem numerum remigum Ulyf- ses habuisset: prior scripta esset Ilias an Odyssaea: praeterea an ejusdem esset auctoris, alia deinceps hujus nota, quae sive contineas nihil tacitam conscientiam ju- vant; sive proferas, non doctior videberis sed molestior.